



Adresa: Ul. Hamdije Čemerlića 39a
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-1-40-146-5/23**

Datum: **25.04.2023. godine**

Agencija za vodno područje rijeke Save" Sarajevo, rješavajući po zahtjevu Investitora „INTERTRANS-KOMERC MUSIC“ d.o.o. Srebrenik za donošenje Rješenja o prethodnoj vodnoj saglasnosti za izradu dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka, na lokalitetu Špionica Gornja, Grad Srebrenik, na osnovu člana 139. stav (1) tačka 3. i 10. Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 , 49/99 i 61/22) donosi

RJEŠENJE **o prethodnoj vodnoj saglasnosti**

1. Pravnom licu „INTERTRANS-KOMERC MUSIC“ d.o.o. Srebrenik daje se prethodna vodna saglasnost za izradu dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka unutar sljedećih katastarskih čestica broj: 989/2, 1000/2, 989/3, 1000/1, 999, 992/1, 991 i 989/1 K.O. Špionica Gornja, Grad Srebrenik.

Ova prethodna vodna saglasnost može se koristiti isključivo za potrebe izdavanja urbanističke saglasnosti i okolinske dozvole i za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.

2. Ova prethodna vodna saglasnost daje se u svrhu izrade dijela projektne dokumentacije koja se odnosi na ispuštanje tehnoloških otpadnih voda koje će nastati kao posljedica provođenja aktivnost koje se ne smatraju građenjem, a uključuju istražne radove i ispitivanja, kao i aktivnosti na otkrivanju, eksploataciji i preradi mineralne sirovine krečnjaka unutar sljedećih katastarskih čestica broj: 989/2, 1000/2, 989/3, 1000/1, 999, 992/1, 991 i 989/1 K.O. Špionica Gornja tj. aktivnosti koje mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti i okolinske dozvole za istražne radove, eksploataciju mineralnih sirovina te preradu iste na predmetnom lokalitetu.

3. Prethodnom vodnom saglasnošću se utvrđuju uslovi za izradu projektne dokumentacije za predmetne aktivnosti iz tačke 1. dispozitiva, kako slijedi:

3.1. Izraditi i revidovati investiciono tehničku dokumentaciju prikupljanja, tretmana i ispuštanja tehnoloških otpadnih voda. Projektna dokumentacija treba biti urađena od strane pravnog lica koje ima ovlaštenje pribavljano od strane Federalnog ministarstva poljoprivrede, vodoprivrede i šumarstva (lista „A“), a u skladu sa članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20, 63/22).

3.2. U investiciono-tehničkoj dokumentaciji treba dati rješenje snabdijevanja tehnološkom vodom za potrebe obaranja prašine na transportnim putevima i radnim površinama te za

postupak separacije mineralne sirovine krečnjaka. Projekat treba da sadrži odgovarajuće hidrauličke proračune i sl.

3.3. U projektu treba dati rješenje prikupljanja, odvodnje i tretmana tehnoloških otpadnih voda koje nastaju na prostoru na kojem će se vršiti separisanje mineralnih sirovina, parking površinama, pralištima odnosno prostorima na kojima će se vršiti pranje radnih mašina, skladište nafte, naftnih derivata, maziva i ulja, radionice za popravku mehanizacije i dr. radno-manipulativnim površinama koje su opterećene suspendovanim materijama, mastima i uljem i koje se trebaju odvojenim sistemom kanalizacije odvesti na odgovarajući tretman. Prečišćene vode nakon tretmana se mogu ispustiti u recipijent – rijeku Bistricu.

3.4. Investitor je obavezan da u cilju zaštite vodotoka-prijemnika od zamuljenih oborinskih onečišćenih voda, predvidi izgradnju taložnih bazena u koje će se prikupljati sve oborinske vode sa radnih platoa, otkopnih etaža i dr. manipulativnih površina. Parking prostor i prostor pretakališta nafte je potrebno asfaltirati sa nagibom prema slivnicima i sabirnim rešetkama unutar tog prostora, te ih oivičiti. Izbistrena voda nakon prečišćavanja, oslobođena suspendovanih materija može se ispustiti u definisani prijemnik. U dokumentaciji mora biti naznačen način i lokalitet odlaganja istaloženog mulja iz taložnika sa svim potrebnim mjerama da se isti ne rasipa po okolnom terenu.

3.5. Projekat hidroinstalacija (vodovod i kanalizacija) mora dati rješenje snabdijevanja vodom kao odvojeni sistem za korištenje sanitarne i tehnološke vode, a za kanalizacioni sistem, separatnu kanalizaciju tehnoloških otpadnih voda, oborinskih nezagađanih voda, fekalnih voda i oborinskih onečišćenih voda. Projektom riješiti pitanje prečišćavanja svih otpadnih voda i dati način ispuštanja prečišćenih voda do definisanog recipijenta- rijeke Bistrice.

3.6. Investitor u tehničkoj dokumentaciji treba dati takva rješenja kojim će se obezbijediti da otpadne vode prije ispuštanja u prijemnik trebaju da zadovolje uvjete za ispuštanje u površinske vode propisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH”, broj: 26/20, 96/20).

3.7. U investiciono-tehničkoj dokumentaciji treba predvidjeti monitoring okna prije ispuštanja prečišćenih otpadnih voda u prirodni recipijent.

3.8. Izrada projektne dokumentacije treba biti usklađena sa važećom prostorno - planskom dokumentacijom i razvojnim planovima Grada Srebrenik.

3.9. Da se u okviru projektnog rješenja primjene tehničko-tehnološke mjere koje će spriječiti kontaminaciju voda, tla i zraka.

3.10. Projektom dokumentacijom potrebno je obuhvatiti cjelokupni prostor na kojem će se vršiti eksploatacija mineralne sirovine, separacija mineralne sirovine uključujući i prateće sadržaje i postrojenja (radionice, skladišta, prališta, pretakališta i dr.) na lokalitetu Gornja Špiionice, Grad Srebrenik.

3.11. Projektom dokumentacijom definisati da se opasni materijal i otpad ne smiju ni privremeno odlagati na česticu „vodno dobro”, odnosno u vodotoke i na njegove obale.

3.12. Projektom dokumentacijom jasno definisati položaj predmetnog prostora u odnosu na površinske vodotoke, tj. rijeke Bistrice koja je desna pritoka rijeke Tinje, sa prijedlogom mjera zaštite.

3.13. Projektom dokumentacijom sagledati sve moguće neželjene uticaje kako na planirane aktivnosti i prateće objekte, tako i planiranih aktivnosti na druge objekte i postrojenja, postojeću infrastrukturu, naselja, druge korisnike voda i sl. i dati prijedlog mjera za uklanjanje odnosno sprječavanje tih utjecaja.

3.14. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.

3.15. Investiciono-tehnička dokumentacija za pribavljanje vodne saglasnosti treba biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti.

4. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese.

5. Po izradi investiciono tehničke dokumentacije, u skladu sa uslovima iz dispozitiva ovog rješenja i stručnoj reviziji iste, korisnik prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti, na projektnu dokumentaciju za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka, na lokalitetu Špionica Gornja, Grad Srebrenik tj. sa lokaliteta ležište krečnjaka „ITK KOP“, Gornja Špionica, Grad Srebrenik u okviru odobrenog koncesionog polja.

6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata, a prije izdavanja odobrenja za građenje.

Uz zahtjev se između ostalog prilaže:

- Revidovana Investiciono-tehnička dokumentacija urađena u skladu sa uslovima iz dispozitiva ovog rješenja,

- Rješenje o urbanističkoj saglasnosti za izgradnju objekata za prikupljanje, prečišćavanje i ispuštanje prečišćenih voda u recipijent sa lokaliteta ležište krečnjaka „ITK KOP“, Gornja Špionica, Grad Srebrenik izdato od strane nadležnog organa,

- Važeći koncesioni ugovor sklopljen sa nadležnim organom koji se odnosi na eksploataciju mineralne sirovine na predmetnim lokalitetima,

- Rješenje o okolinskoj dozvoli ili potvrda nadležnog organa da ista nije potrebna.

7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.

8. Ukoliko nakon izdavanja ove prethodne vodne saglasnosti, a u toku pripreme dokumentacije za vodnu saglasnost nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „ITK Musić“ d.o.o. Srebrenik podnio je zahtjev za donošenje Rješenja o prethodnoj vodnoj saglasnosti za izradu dijela projektne dokumentacije koja se odnosi na prikupljanje, tretman i ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka unutar sljedećih katastarskih čestica broj: 989/2, 1000/2, 989/3, 1000/1, 999, 992/1, 991 i 989/1 K.O. Špionica Gornja, Grad Srebrenik.

Uz zahtjev je dostavljena sljedeća dokumentacija:

- Rješenje o izmjenama podataka, broj:032-0-Reg-17-000046 od 12.01.2017. godine izdato od strane Općinskog suda u Tuzli - ovjerena kopija,

- Zemljišnoknjižni izvadak, Katastarska općina Gornja Špionica broj: 030-0-NAR-23-000 917 Zemljišnoknjižni uložak broj 521 izdat od strane Općinskog suda u Srebreniku - ovjerena kopija,

- Zemljišnoknjižni izvadak, Katastarska općina Gornja Špionica broj: 030-0-NAR-23-000 918 Zemljišnoknjižni uložak broj 206 izdat od strane Općinskog suda u Srebreniku - ovjerena kopija,

- Zemljišnoknjižni izvadak, Katastarska općina Gornja Špionica broj: 030-0-NAR-23-000 919 Zemljišnoknjižni uložak broj 1645 izdat od strane Općinskog suda u Srebreniku - ovjerena kopija,

- Zemljišnoknjižni izvadak, Katastarska općina Gornja Špionica broj: 030-0-NAR-23-000 920 Zemljišnoknjižni uložak broj 464 izdat od strane Općinskog suda u Srebreniku - ovjerena kopija,

- Zemljišnoknjižni izvadak, Katastarska općina Gornja Špionica broj: 030-0-NAR-23-000 921 Zemljišnoknjižni uložak broj 1689 izdat od strane Općinskog suda u Srebreniku - ovjerena kopija,

- Zemljišnoknjižni izvadak, Katastarska općina Gornja Špionica broj: 030-0-NAR-23-000 922 Zemljišnoknjižni uložak broj 504 izdat od strane Općinskog suda u Srebreniku - ovjerena kopija,

- Mišljenje, broj:12367/22 od 17.10.2022. godine izdato od strane Ministarstva poljoprivrede, šumarstva i vodoprivrede Tuzlanskog kantona – ovjerena kopija,

- Kopija katastarskog plana, UR.broj:03-26-1200/2023-3 od 28.03.2023. godine izdata od strane Službe za geodetske i imovinsko-pravne poslove Grada Srebrenik – ovjerena kopija,

- Izvod iz Prostornog plana Općine Srebrenik za period 2015-2035 godine i Prostornog plana Tuzlanskog kantona, broj: 08-19-68/23 od 05.04.2023. godine izdat od strane Službe za prostorno uređenje i zaštitu okolice Grada Srebrenik,

- Dokaz o uplaćenju upravnoj pristojbi na zahtjev,

- Studija za izdavanje prethodne vodne saglasnosti za eksploataciju krečnjaka na površinskom kopu „ITK KOP“, urađena od strane TQM d.o.o. Lukavac, broj:1840/23, april 2023. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl.novine FBIH“ broj:31/15, 55/19, 41/20, 63/22), bio oglašen dana 12.04.2023. godine u dnevnom listu „Oslobođenje“ i na oglasnoj ploči Agencije. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

- Ležište krečnjaka „ITK KOP“ nalazi se oko 6,0 km sjeveroistočno od Srebrenika, u Gornjoj Špionici na lijevoj obali rijeke Bistrice koja je desna pritoka rijeke Tinje. Krečnjački masiv ležišta pripada krajnjim obroncima sjeverozapadnog oboda planine Majevice. Predmetni kamenolom se nalazi unutar sljedećih katastarskih čestica broj: 989/2, 1000/2, 989/3, 1000/1, 999, 992/1, 991 i 989/1 K.O. Špionica Gornja, Grad Srebrenik.
- Na osnovu Izvoda iz prostornog plana Općine Srebrenik za period 2015-2035 godine broj:08-19-4-286/20 od 10.12.2020. godine, predmetna lokacija se nalazi van urbanog područja, te navedeno područje je okarakterisano kao šumsko zemljište i potencijalno nalazište krečnjaka.
- Procesi rada na predmetnoj lokaciji obuhvatati će sljedeće aktivnosti: uklanjanje pokrivača i niskog rastinja, miniranje stijenske mase, utovar i transport stijenske mase kamionima do drobiličnog postrojenja, drobljenje i klasiranje krečnjaka na određene frakcije, deponovanje do daljnje otpreme, utovar, transport i odlaganje jalovine, izrada i održavanje pristupnih puteva do radnih etaža, održavanje (servisiranje) mašina i dr. opreme.
- Na predmetnoj lokaciji je predviđeno postavljanje objekata kontejnerskog tipa za potrebe radnika (kancelarije, svlačionice, sanitarni čvorovi i dr. prostorije), te izgradnja mašinske radionice i priručnog magacina za skladištenje ulja i maziva, rezervnih dijelova i potrošnog materijala. Također, predviđen je oivičeni vodonepropusni plato na kojem će se vršiti servisiranje i pranje radne mehanizacije, površine cca 50 m².
- Potrebe za tehničkom i sanitarnom vodom će biti riješene dovozom vode od ovlaštenog pravnog lica registrovanog za tu djelatnost, kao i mogućnosti recirkulacije prečišćene tehnološke otpadne vode, a sve kao privremeno rješenje do sticanja uslova na priključak na javnu/lokalnu vodovodnu mrežu prema uslovima operatera.
- Oborinske vode sa krovnih ploha će se prikupljati horizontalnim i vertikalnim olucima te preko separatne kanalizacije odvoditi u recipijent - rijeku Bisticu.
- Oborinske vode sa oivičenog vodonepropusnog platoa za pranje, servisiranje mehanizacije uključujući i pretkanje goriva, ulja i masti i sl. potrebno je linijskim slivnicima

prikupiti i odvesti na tretman do separatora ulja i masti sa koalescentnim filterom, nakon kojeg će se preko okna za monitoring ispuštati u recipijent - rijeku Bistricu.

➤ Oborinske onečišćene vode koje će nastati na prostoru eksploatacionog polja unutar predmetnog površinskog kopa će se prikupljati obodnim zemljanim kanalima i odvesti na tretman u taložnik u kojem će se izdvajati suspendovane čestice. Nakon tretmana predviđeno je da se ove vode preko okna za monitoring upajaju u rijeku Bistricu.

U skladu sa odredbama Zakona o vodama, Pravilnikom o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije investitor se obratio Agenciji sa zahtjevom za izdavanje rješenja o prethodnoj vodnoj saglasnosti za izradu dijela projektne dokumentacije koja se odnosi na prikupljanje, tretman i ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka na lokaciji ležište krečnjaka „ITK KOP“ koji se nalazi se oko 6,0 km sjeveroistočno od Srebrenika, u Gornjoj Špionici, a u postupku ishodovanja urbanističke saglasnosti i okolinske dozvole i u postupku izdavanja koncesije na vodama i vodnom dobru. Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama, Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu dostavljene dokumentacije i provedenog postupka utvrđeno je da je podnosilac zahtjeva ispunio minimum uslova za izdavanje Rješenja o prethodnoj vodnoj saglasnosti, te je riješeno kao u dispozitivu ovog Rješenja.

Podnosilac zahtjeva je izvršio uplatu posebnih troškova koji su nastali u postupku donošenja rješenja o prethodnoj vodnoj saglasnosti, u skladu sa Zaključkom o visini i roku za plaćanje posebnih troškova, broj:UP-1/21-1-40-146-4/23 od 24.04.2023. godine.

Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „ITK Musić“ d.o.o. Srebrenik
- Duboki Potok bb, 75350 Srebrenik,
- AVP Sava, ISV-vodna knjiga,
- Sektor 40 – arhiva,
- Oglasna ploča - AVP Sava